



Sarajevo, 01-06-2018
Broj: 02- 15469/18

Na osnovu člana 69. stav (2) tačka d) Zakona o javnim nabavkama BiH („Sl. glasnik BiH” broj 39/14), člana 95. Statuta JP Elektroprivreda BiH d.d. - Sarajevo broj: SD-5211/16-38/2. od 29.03.2016. godine, te člana 4. stav 7. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj: 06-6522/18 od 05.03.2018. godine, Izvršni direktor za proizvodnju na preporuku Komisije za javne nabavke, d o n o s i

O D L U K U o poništenju postupka nabavke

Član 1.

U skladu sa odredbom člana 69. stav (2) tačka d) Zakona o javnim nabavkama BiH, poništava se postupak javne nabavke u predmetu "Nabavka sitnog alata i inventara" u Podružnici Termoelektrana "Kakanj" Kakanj, broj: 2000022334 po Otvorenom postupku javne nabavke uz korištenje e - aukcije, objavljenom u "Službenom glasniku BiH" broj: 25 od 20.04.2018. godine, jer primljena ponuda nije prihvatljiva.

Član 2.

Ova Odluka će se objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

Član 3.

Za realizaciju ove Odluke zadužuje se Služba za komercijalne poslove Podružnice Termoelektrana "Kakanj" Kakanj.

Član 4.

Ova Odluka stupa na snagu danom donošenja.

JAVNO PREDUZEĆE ELEKTROPRIVREDA BOSNE I HERCEGOVINE d.d. SARAJEVO PODRUŽNICA TERMoeLEKTRANA "KAKANJ" KAKANJ	
PRIMLJENO	04-06-2018
OPREMLJENJE	9501/2018
OPREMLJENJE	02-36

O b r a z l o ž e n j e

U Otvorenom postupku javne nabavke broj 2000022334 koji se odnosi na "Nabavku sitnog alata i inventara" u Podružnici Termoelektrana "Kakanj" Kakanj, ponudu je dostavio 1 (jedan) ponuđač, i to:

— AX SOLING d.o.o. Grude

U Zapisniku o pregledu i ocjeni ponuda od dana 25.05.2018. godine, Komisija za javne nabavke je utvrdila da ponuda ponuđača AX SOLING d.o.o. Grude nije prihvatljiva iz slijedećih razloga:

- Za poziciju 28 u ponudi nije naznačena ponudena dužina mjerne letve ni u obrascu za ponudu a ni u priloženim kataloškim listovima.

- Za poziciju 47 ponuđač nije ponudio ekvivalent traženoga koji zadovoljava sve tražene tehničke karakteristike. Tražena je DCB 120 Dewalt akumulatorska baterija (karakteristika 12 V i 1,5 AH), a ponuđena DCB 125 Dewalt akumulatorska baterija (karakteristika 10,8 V i 1,3 AH)

- Za poziciju 48 ponuđač nije ponudio ekvivalent traženoga koji zadovoljava sve tražene tehničke karakteristike. Tražen je DCB 100 Dewalt punjač baterija (karakteristika 12 V Fast charger sa vremenom punjenja od max 40 min), a ponuđena DCB 115 Dewalt punjač baterija (karakteristika 12 V sa vremenom punjenja od max 90 min)

- Za poziciju 49-Alat električni u torbi tražio se set UNIOR ili ekvivalent. Ponuđeni ekvivalent koji je uključivao dijelove seta od 3 različita proizvođača nije prihvatljiv.

- Za poziciju 85 i 86 ponuđač u obrascu za ponudu i priloženom kataloškom listu nije naveo sve tehničke karakteristike kojima bi se dokazao ekvivalent traženoga (dubina mjerenja). Također, ponuđač je za poziciju 86 označio u obrascu za ponudu i kataloškim listovima da nudi instrument za unutarnje mjerenje od 50 do 160 mm, a ne od 100 do 160 mm kako je traženo tehničkom specifikacijom.

Na osnovu svega navedenog, a u skladu sa odredbom člana 69. stav (2) tačka d) Zakona o javnim nabavkama BiH, donesena je Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 10 (deset) dana od dana prijema ove Odluke.

Dostaviti:

- Svim ponuđačima
- Sektoru za ekonomske poslove
- a/a

2. Izvršni direktor za proizvodnju
dr.sc. Nevad Ikanović

